



commembers per la suprastonza ed ina ni in suppleant(a), per che la pleiv da Pitasch sappi puspei agir autonomamein.

Plinavon enquerel jeu era enzatgi che fuss prompts da far la contabilitad. Bugen astgan interessai per quels uffecis contactar mei per ulteriurs sclariments sut [eugen.caduff@bluewin.ch](mailto:eugen.caduff@bluewin.ch) ni 081 353 55 31.

Ina proxima informaziun e discussiun less jeu menar atras en la radunonza da budget che jeu fixeschel provisoricamein sin vendergis, ils 1. da december 2023 allas 19 uras. Ina invitaziun definitiva vegn publicada el fegl ufficial.

Il curatur

*Eugen Caduff*

**“Sch’in member pitescha, sche pitescha tut la membra cun el, e sch’in member vegn honoraus, sche selegra tut la membra cun el.”**

Vala quella construcziun dil 1. Corinther 12,26 era cheu? Ina munconza permanenta da suprastonza a Pitasch schess pitir pér la pleiv senza. La cumpetenzza da decider che schai tier la raspada senza, scurress - e cul temps sto la cuminonza da pastoraiziun reglar auter si'organisaziun. Stenta e breigia. Sche l'autoridad sefuorma danovamein, sa Pitasch selegrar, medemamein vegn la cuminonza da pastoraiziun a selegrar ch'ils representants da tuttas quater pleivs sesan puspei vid la meisa.

**Gi da suppa ils 5 da november allas 11, Duin, baselgia e scola**

Ina pleiv porta ensemen carstgauns. Cuntegns rinforzonts.

Plaids rinforzonts e suenter bugen ina suppa rinforzonta.

Quei fagein nus ils 5 da november, la dumengia

commemorativa dalla reformaziun. Gl'emprem priedi, lura suppa.

Tgitar contacts. Discuors. Mira il flyer.

## **Musica ella baselgia da Luven ils 28 da december 2023 20.15**

René Oswald, clarinetta, e Martin Rabensteiner, orgla, vegnan a far musica la gievgia dalla jamna da Nadal ella baselgia da Luven.

## **Survetsch divin ecumenic ils 21 da schaner 2024 a Cuort allas 11.00 Sogn Pieder e Paul**

La pleiv catolica da Sursaissa Mundaun e la pleiv reformada da Flond festiveschan in survetsch divin communabel. Dumengia ell'jamna d'oraziun per l'unitad dils cristifideivels. La liturgia vegn ord Burkina Faso.

## **Pastur – pascular - cuntinuaziun digl'emprem tema**

In pastor=pastur ei el latin enzatgi che meina animals a pasqua=pastg e pertgira il muvel e mira per siu beinesser. La bibla ha sviluppu vinavon quella relaziun da provediment dil pur provediment d'alimentar en ina relaziun da provediment corporal/olma denter Deus e carstgaun.

Ev.Johannes 10,11 gi Jesus da sesez dad esser quei pastur e da dar vi sia veta per ils confidai ad el.

Pli tard vegn el a dumandar Simon Petrus "Simon, fegl da Johannes, carezas ti mei?" E quel rispunda: "Gie, Segner, ti sas ch jeu carezel tei" Jesus a Simon: "Pasculescha mias nuorsas" (Johannes 21). Il pastur "grond" resta Deus.

Carstgauns vegnan clamai da praticar quei uffeci da pastur, da pastorar /pascular.

Las pleivs ch'engaschan ensemen in „pastur“ ein ina cuminonza da pastoraziun.

Seigies salidai cordialmein, vies plevon (pastur)

*Albrecht Meikel*

# november december 2023 schaner 2024

ST = Sontga Tscheina

2023	Luvén	Flond	Pitasch	Duin
ils 5 da november	Gi da suppa a Duin allas 11.00 baselgia e sala ella casa da scola			
ils 12 da november	negin	priedi		
ils 19 da november	19.00 rom	9.30 rom	11.00 <small>batten</small> Maurin Buchli	
ils 26 da november	9.30	10.30 radunoza		
vendergis ils 1 da december			19.00 radunonza	
Ils 3 da december <i>Emprema dumengia d'advent</i>	10.30	9.30		19.00
Ils 10 da december <i>secunda dumengia d'advent</i>	9.30	10.30	19.00	
Ils 17 da december <i>tiarza dumengia d'advent</i>	negin	priedi		
Ils 24 da december <i>quarta dum. d'advent Pigniel</i>	20.30 cun uffons		18.00 cun uffons	19.15 cun uffons
Ils 25 da december <b>Nadal</b>		19.00 Pigniel Chor misch. uffons	11.00 ST	
Ils 26 da december <b>Sogn Stiafen</b>	10.45 ST batten Aurora Brandenburger	9.30 ST		
Ils 28 da december <b>gievgia</b>	20.15 Luvén concert Oswald / Rabensteiner clarinetta ed orgla			
Ils 31 da december <b>onn vegl</b>	10.30 <small>lectura diis defuncts</small>	19.30 <small>lectura diis defuncts</small>		
Ils 1 da schaner <b>daniev</b>	negin	priedi		
Ils 7 da schaner 24	9.30	19.00		11.00
Ils 14 da schaner 2024	10.30 Radunonza	9.30	19.00	
	17.00 Luvén Fluyten Lust-Hof – duetts da flauta ord siat tschantaners sils instruments da lur temps Marieclaire Goldwein entrada liber			
Ils 21 da schaner 2024	11.00 Sursaissa Cuort Sogn Pieder e Paul priedi ecumen cun chor			
Ils 28 da schaner 2024	negin	priedi		